



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.400/2025

Paneli Zgjedhor për Ankesa dhe Parashtresa (PZAP), i përbërë nga gjyqtarët: Kujtim Pasuli - kryesuese, Hajriz Hoti dhe Ramush Bardiqi - anëtarë, duke vendosur përkitazi me ankesën e Subjektit Politik Partia e Ashkalinjeve për Integrim, me seli në Lipjan, paraqitur kundër Subjektit Politik PDAK-LPB, me seli në Ferizaj, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, që do të mbahen më datë 09 Shkurt 2025, në seancën e panelit të mbajtur me 09.02.2025, mori këtë:

V E N D I M

Hedhet e pas afatshme ankesa e Subjektit Politik Partia e Ashkalinjeve për Integrim (PAI), me seli në Lipjan, Anr.400/2025, e datës 06.02.2025, paraqitur kundër PDAK-LPB me seli në Ferizaj, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, që do të mbahen më datë 09 Shkurt 2025,

A r s y e t i m

Me datë 06.02.2025 PZAP-i, ka pranuar ankesën Anr.400/2025 nga Subjekti Politik Partia e Ashkalinjeve për Integrim (PAI) në të cilën pretendohet se kandidati për deputet nga koalicioni PDAK-LPB Qazim Rrahmani për 19 ditë rresht ka vendosur posteret e tij personal në objektet publike në afërsi të xhamisë së fshatit Dubravë, Qendrës edukative dhe ambulantsë shëndetësore pa pëlqimin e njerëzve përgjegjës të këtyre objekteve duke bërë shkelje të nenit 32,33 pika 4.5 dhe nenit 34 pika 1.2 të LZP-së dhe Rregullores Zgjedhore për Kodin e Mirësjelljes për subjektet politike mbështetësit e tyre dhe kandidatët. Parashtruesi i ankesës tutje ka theksuar se posterët e subjektit në fjalë janë larguar nga këto dy objekte me datë 30 janar. Parashtruesi i ankesës si provë ka bashkangjitur fotot që konstatojnë shkeljet e pretenduara.

Pzap me datë 07.02.2025 iu drejtua me kërkesë për përgjigje subjektit PDAK-LPB deri më datën 07.02.2025 në ora 19:00 dhe i njëjti subjekt nuk ka kthyer përgjigjen.

Paneli, pasi që shqyrtoj të gjitha shkresat e lëndës, konstatoi se:

Ankesa është e pas afatshme

Paneli, pas shqyrtimit paraprak të ankesës ka gjetur se ankesa e parashtruar nga Partia e Ashkalinjeve për Integrim, me seli në Lipjan, kundër subjektit politik PDAK-LPB e datës 06.02.2025, është parashtruar pas afatit ligjor të përcaktuar me dispozitën ligjore të nenit 39 paragrafi 3 i LZP-së, i cili përcakton se: *“Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket shkeljeve të pretenduara të Kodit të Mirësjelljes për subjektet politike, mbështetësit e tyre dhe kandidatët gjatë periudhës së fushatës zgjedhore dhe ditës së zgjedhjeve, mund të paraqes ankesë në PZAP brenda dyzet e tetë (48) orëve nga ndodhja e shkeljes së supozuar, dhe PZAP-i, do të vendos për ankesën brenda shtatëdhjetë e dy (72) orëve nga koha e pranimit të saj, si dhe neni 13, paragrafi 3, nën paragrafi 3.3 i Rregullores Nr.01/2024 për Procedurat e Parashtrimin dhe Vendosjes së Ankesave të PZAP-it, i cili përcakton se “PZAP-i e hedhë ankesën kur vlerëson se ajo nuk përmbush kërkesat e LZP-së dhe kësaj rregullore për shqyrtim, nën paragrafi 3.3. nuk është dorëzuar në afatin e paraparë ligjor”.*

Në këtë rast, nga shqyrtimi i shkresave të lëndës, rezulton se parashtruesi i ankesës ka dorëzuar ankesën në PZAP, më datë 06.02.2025, në të cilën ka pretenduar në pjesën e ankesës kur flet për dërgimin e videos PZAP si dëshmi e datës 12 janar se në të njëjtën datë subjekti politik PDAK-LPB përkatesisht kandidati i këtij subjekti ka vendosur posterët e tij personal në objektet publike në afërsi të xhamisë së fshatit Dubravë, Qëndres edukative dhe ambulants shtetërorë, që është në kundërshtim me nenin 34, pika 1.2 të LZP-së, *“Vendosja e njoftimeve, pllakateve dhe posterëve ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat nërkombetare, ose brenda ose në hapësirat private pa lejën e pronarëve ose shfrytëzuesve”.*

Megjithatë, ankesa është paraqitur prej PAI pas afatit ligjor për paraqitjen e ankesave, sipas nenit 39, paragrafi 3 i LZP-së, ku afati për dorëzimin e ankesave është 48 orë nga ndodhja e shkeljes së supozuar, dhe ankesa është dorëzuar më 06.02.2025, ndërkohë që shkeljet në fjalë janë bërë më 12.01.2025, që do të thotë se ankesa është dorëzuar pas afatit të paraparë ligjor.

Paneli gjeti se ankesa është ushtruar pas afatit ligjor, dhe nga arsyet e theksuara më lartë e në kuptim të nenit 39 paragrafi 3, nenit 115 paragraf 1 i LZP-së, dhe nenit 9 paragrafi 5 nën paragrafi 5.5 të Rregullës 01/2025, për Procedurat e Parashtrimin dhe Vendosjes së Ankesave, paneli vendosi si në dispozitiv të këtij vendimi. Paneli Zgjedhor për Ankesa dhe Parashtrësia

Anr. 400/2025 më datë 09.02.2025

Kryesues i Panelit
Kujtim Pasuli

Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.